

POLELO YA PHATLALATŠO YA DITABA YA MABAPI LE PROJECT LADUMA

Tshwane, 7 Febereware 2025 – Ka la 9 Mei 2024, karolo ya Pietermaritzburg ya Kgorotsheko e Phagamego ya KZN e file taelo ya molao go SARS mabapi le dithoto tša Shandi Trust. Ka Nofemere 2024, taelo ya molao ya go aroga e filwe ke Kgorotsheko e Phagamego ya ka Durban ka kgaugelo ya SARS ya dithoto tša baikarabelli ba 23, yo mongwe e lego Royal AM Football Club (“Sehlopha”). Shandi Trust le Sehlopha ke maloko a go nyalelana, ka fase ga taolo ya Mohumagadi Mkhize.

Bekeng ye dikahlolelo tše pedi tša go amana le ditaelo tša molao di ntšhitšwe ke Karolo ya North Gauteng le Kwa-Zulu Natal, dikgorotsheko tše di phagamego tša Pietermaritzburg, bobedi di bego di dumelelana le SARS.

Ka Disemere 2024, mohlokomedi le molaodi wa Sehlopha ba ile ba ikamanya le maemo a ditšhelete a Sehlopha go bona ge eba Sehlopha se tla kgona go fihlelela boitlamo bja sona bja dipapadi tša 2024/25. Morago ga dikamano tša go tsenelela, maemo a ditšhelete a Sehlopha a ile a fetišetšwa go National Soccer League (“NSL”).

Ka lebaka la ditlhohlo tša ditšhelete tša Sehlopha, ka la 22 Janaware 2025 NSL e fegile ditšhetšo ka moka tša ka išago tša Sehlopha sa Kgwele ya maoto sa Royal AM.

Ka la 29 Janaware 2025, Mokgatlo o tšeere magato kgatlhanong le mohlokomedi, SARS le NSL ka mokgwa wa kgopelo ya potlako. Kgopelo e be e nyaka gore kgorotsheko e laetše Mohlokomedi go ntšha lengwalo la khomotšo go NSL, la go tšhetša bokgoni bja ditšhelete bja Sehlopha go fihlelela tšhetšo ya dipapadi tša yona tša liki. Kgopelo gape e be e kgopela go lekola sepheto sa Mohlokomedi sa go se romele lengwalo la khomotšo bjale ka go se be le kelelo, go hloka kgopolo gape le go se be molaong. Ka tlhatlolano, Mokgatlo o kgopetše kgorotsheko go gapeletša NSL go dumelela sehlopha go bapala sebaka seo se šetšego sa liki ya setlha sa kgwele ya maoto le dipapadi tša Mogope wa Nedbank.

SARS, mohlokomedi le NSL ba eme kgatlhanong le kgopelo ya ka pejana. Molato o theeditšwe ka la 5 Febereware 2025 gomme wa tlošwa lenaneong ka lebaka la go hloka potlako, ka ditefišo.

Kgorotsheko e ile ya kgotsofatšwa ke gore Sehlopha se paletšwe ke go fihlelela teko ya potlako bjale ka ge go laeditšwe tsebišong ya tlwaetšo ya kgorotsheko. Kgorotsheko e laodišitše gore ditshepetšo le ditsebišo tša ditlwaetšo ga di gona go ka phethagatšwa; mokgopedi o swanetše go fa dintlha tša go laetša gore ke ka lebaka la eng molato o le wa potlako. Molato wa potlako o be o itiretšwe ka ge Sehlopha se be se lemogile maemo a sona ao a belatšago kgatlhanong le go palelwa ga Mohlokomedi ga go fana ka lengwalo la khomotšo go NSL, pele ga ge se kgetha go tlhoma kgopelo ya potlako. Kgorotsheko ga se e šomane le ditshwanelo, gape ka lebaka la taolelo ya kgorotsheko, Sehlopha se dula se fegilwe go tšwa go NSL.

Kahlolelo ya Kgorotsheko e Phagamego ya Pietermaritzburg ya mabapi le Shandi Trust, e ganane le kgopelo ya boipiletšo bja kahlolelo ya Kgorotsheko, ka ditefišo. Ka Julae 2024, Batshephiwa ba dirile kgopelo ya potlako go latela taelo ya molao, ka phethagalo ya go nyaka go thibela Mohlokomedi go tšwetšapele taelo. Kgorotsheko e emišitše morero ka ditefišo. Batshephiwa ba dirile boipiletšo bja sephetho sa Kgorotsheko. Kgopelo ya boipiletšo e ile ya ganetšwa ka la 6 Febereware 2025 ka ditefišo ka ge go se na kgetsi yoe e dirilwego ke Batshephiwa bakeng sa kgopelo ya boipiletšo.

Maikemišetšo a leano la SARS ke go hlohlomiša setšo sa obamelo ka boithaopo. Go fihlelela tebo yeo, SARS e fana ka hlathollo le tišetšo go balefela motšhelo ya go fihlelela boitlamo bja bona bja semolao. Moo balefela motšhelo ba ikemišetšago ka boomo go ikamanya ka maitshwaro a go se obamele, SARS e fetola ka go thatafatša go se obamele fao ka ditefišo tša godimo.

Khomišinare wa SARS Edward Kieswetter o fetotše ka go ntšha maikutlo go tšwetšopele ye ka gore *“SARS e kgotsofaditšwe ke sephetho sa kgorotsheko sa go fediša molato wo lenaneong la kgorotsheko ka lebaka la hlokgalo ya taetšo ya potlako. Balefela motšhelo ba na le boitlamo bja semolao ka dinako tšohle go phethagatša se ntle le go palelwale godula ba obamela merero ya bona ya motšhelo. Go tloga go makatša kudu gore balefela motšhelo ba ka sekegela go kgorotsheko gabonolo eupša ba a dikedike maikarabelong a bona a go fihlelela boitlamo bja bona ka mafolofolo a go swana. SARS e gapeletšwa go laolelela ka molao ntle le go fiega goba kgaugelo le go kgonthiša gore balefela motšhelo ka moka bao ba letetšwego go ngwadiša, faela le go lefela metšhelo ya bona ba dire bjalo gabonolo. Go phethagatša tagafara ya rena, SARS e tla dula e ikgafetše go šoma ka semolao le balefela motšhelo bao ba dirago ka boomo go hlokomologa boitlamo bja bona bja motšhelo. Maikarabelo a motšhelo a go šomana le ditlhohlo tša naga tša go pitlagana tša go lefela diphenšene, mphiwafela, ditefelo tša sekolo, maphelo di ka se gatelelwe go feta tekanyo.”*

SARS e ka se dire tshwayotshwayo ya go tšwetšwa pele mabapi le morero wo.

Go hwetša tshedimošo enngwe, ka kgopelo ikgokaganye le SarsMedia@sars.gov.za